



ქობულეთის მუნიციპალიტეტის საკრებულო

დადგენილება №09

2016 წლის 25 აპრილი

ქ. ქობულეთი

ქობულეთის მუნიციპალიტეტის საკრებულოს 2011 წლის 17 მარტის N20 დადგენილებაში „ქობულეთის მუნიციპალიტეტის ტერიტორიაზე ადგილობრივი მოსაკრებლის შემოღების შესახებ“ ცვლილებისა და დამატების შეტანის თაობაზე

„ნორმატიული აქტების შესახებ“ საქართველოს კანონის მე-20 მუხლის შესაბამისად ქობულეთის მუნიციპალიტეტის საკრებულო ადგენს,

მუხლი 1.

შევიდეს ცვლილება ქობულეთის მუნიციპალიტეტის საკრებულოს 2011 წლის 17 მარტის N20 დადგენილებით „ქობულეთის მუნიციპალიტეტის ტერიტორიაზე ადგილობრივი მოსაკრებლის შემოღების შესახებ“ (ს.ს.მ. 110322002, 28/03/2011 წ. სარეგისტრაციო კოდი: 210020010.35.131.016047) დამტკიცებული მე-2 დანართის - ქობულეთის მუნიციპალიტეტის დასახლებული ტერიტორიის დასუფთავების მოსაკრებლის გამოანგარიშებისა და გადახდის შესახებ ინსტრუქციას მე-4 მუხლში და ჩამოყალიბდეს შემდეგი რედაქციით:

„ მუხლი 4. დასახლებული ტერიტორიის დასუფთავების მოსაკრებლის გადახდის წესი

4.1 ფიზიკური პირებისათვის:

1.ფიზიკური პირისათვის (მოსახლეობისათვის) მოსაკრებლის გადახდის ქვითარი გამოიწერება შპს „ქობულეთის წყალი“-ს მიერ წყლისა და კანალიზაციის მომსახურების გადასახადის ქვითართან ერთად საკუთრებაში ან/და სარგებლობაში არსებულ იმ უძრავ ქონებაზე, სადაც წარმოიქმნება საყოფაცხოვრებო ნარჩენი.

2. ფიზიკური პირისათვის (მოსახლეობისათვის) მოსაკრებლის გადახდა იწარმოებს შპს „ქობულეთის წყალის“ მიერ სპეციალურად შექმნილი სატრანზიტო ანგარიშის მეშვეობით.

3. მოსაკრებლის გადახდა წარმოებს უნაღდო ანგარიშწორების ფორმით.

4. მოსაკრებელი შეიძლება გადახდილ იქნას ქვითარში დაფიქსირებული გადამხდელის და მისი წარმომდგენის მიერ, უკანასკნელ შემთხვევაში გადახდის დანიშნულებაში

მითითებული უნდა იყოს ვის სასარგებლოდ იქნა გადახდილი მოსაკრებელი.

5. ქვეთარი შენახული უნდა იქნას ერთი წლის განმავლობაში. ქვეთარის დაკარგვისას მის აღდგენას დაინტერესებული პირის განცხადების საფუძველზე აწარმოებს მოსაკრებლის გადახდევინებაზე პასუხისმგებელი სამსახური.

6. მესაკუთრე ფიზიკური პირი (გარდა მეწარმე ფიზიკური პირისა), რომლის საკუთრებაშიც წარმოიქმნება საყოფაცხოვრებო ნარჩენი, წარმომქნელთა რაოდენობის ცვლილების შესახებ 30 დღის განმავლობაში ვალდებულია აცნობოს მოსაკრებლის გადახდევინებაზე პასუხისმგებელ სამსახურს.

7. საყოფაცხოვრებო ნარჩენები წარმომქნელთა რაოდენობის შეცვლის შემთხვევაში მიმდინარე თვის მოსაკრებელი იფარება ცვლილების გაუთვალისწინებლად.

8. მესაკუთრის შეცვლის შემთხვევაში ყოფილმა მესაკუთრემ მოსაკრებლის მიმდინარე დავალიანება უნდა დაფაროს იმ თვის ბოლომდე, რა პერიოდშიც განხორციელდა საკუთრების განკარგვა.

9. იმ შემთხვევაში თუკი მოსაკრებლის გადახდილი თანხა ნაკლები აღმოჩნდება მოსაკრებლის ახალი განაკვეთის დამტკიცების შემდგომ, სხვაობა უნდა დაიფაროს გადასახადის გადამხდელის მიერ ახალი განაკვეთის კანონიერ ძალაში შესვლის მომენტიდან ერთი თვის ვადაში. თუკი მოსაკრებლის გადახდილი თანხა მეტი აღმოჩნდება მოსაკრებლის ახალი განაკვეთის დამტკიცების შემდგომ, ანამეტი უნდა გამოაკლდეს ახალი განაკვეთის თანხას.

10. მოსაკრებელი გადახდევინება ყოველთვიურად, ყოველითვის არაუგვიანეს 25 რიცხვისა.

11. გადამხდელს შეუძლია მოსაკრებელი გადაიხადოს წინასწარ.

12. მოსაკრებლის გაანგარიშებას და მის გადახდაზე კონტროლს ახორციელებს ქობულეთის მუნიციპალიტეტის გამგეობის ზედამხედველობის სამსახური.

4.2 იურიდიული პირებისათვის და მეწარმე ფიზიკური პირებისათვის:

1. მოსაკრებლის გადახდა წარმოებს ხელშეკრულების საფუძველზე, ქობულეთის მუნიციპალიტეტის ბიუჯეტის შესაბამის ანგარიშზე უნაღდო ანგარიშწორების ფორმით.

2. იურიდიული პირების ან/და მეწარმე ფიზიკური პირების შემთხვევაში ხელშეკრულებით გათვალისწინებული მოსაკრებლის გადახდის თაობაზე შესაბამისი უფლებამოსილი სამსახურის მიერ იგზავნება შეტყობინება.

3. მოსაკრებელი შეიძლება გადახდილ იქნას შეტყობინებაში დაფიქსირებული გადამხდელის და მისი წარმომდგენის მიერ, უკანასკნელ შემთხვევაში გადახდის დანიშნულებაში მითითებული უნდა იყოს ვის სასარგებლოდ იქნა გადახდილი მოსაკრებელი.

4. გადახდის დამადასტურებელი ქვითარი შენახული უნდა იქნას ერთი წლის განმავლობაში.

5. იურიდიული პირების ან/და მეწარმე ფიზიკური პირების მიერ ობიექტის ფუნქციონირების შეწყვეტის ან/და ობიექტის ფუნქციონალური დანიშნულების შეცვლის შემთხვევაში უნდა მომართოს განცხადებით მუნიციპალიტეტს აღნიშნულის თაობაზე.

6. იმ შემთხვევაში თუკი მოსაკრებლის გადახდილი თანხა ნაკლები აღმოჩნდება მოსაკრებლის ახალი განაკვეთის დამტკიცების შემდგომ, სხვაობა უნდა დაიფაროს გადასახადის გადამხდელის მიერ ახალი განაკვეთის კანონიერ ძალაში შესვლის მომენტიდან ერთი თვის ვადაში. თუკი მოსაკრებლის გადახდილი თანხა მეტი აღმოჩნდება მოსაკრებლის ახალი განაკვეთის დამტკიცების შემდგომ, ანამეტი უნდა გამოაკლდეს ახალი განაკვეთის თანხას.

7. მოსაკრებელი გადაიხდებინება ყოველთვიურად, ყოველი თვის არაუგვიანეს 25 რიცხვისა.

8. გადამხდელს შეუძლია მოსაკრებელი გადაიხადოს წინასწარ.

9. მოსაკრებლის გაანგარიშებას და მის გადახდაზე კონტროლს ახორციელებს ქობულეთის მუნიციპალიტეტის გამგეობის შესაბამისი სამსახური.“.

მუხლი 2.

შევიდეს დამატება ქობულეთის მუნიციპალიტეტის საკრებულოს 2011 წლის 17 მარტის N20 დადგენილებაში და დაემატოს 5¹ მუხლი, შემდეგი რედაქციით:

„მუხლი 5¹. დამტკიცდეს ქობულეთის მუნიციპალიტეტის დასახლებული ტერიტორიის დასუფთავების მოსაკრებლის ქვითრის ნიმუში თანახმად N3 დანართისა.“.

მუხლი 3.

დადგენილება ძალაშია გამოქვეყნებისთანავე.

საკრებულოს თავმჯდომარე



ს.ოქროპირიძე

ნიმუში დასახლებული ტერიტორიის დასუფთავების მოსაკრებლის ქვითარი			
აბონენტი:		მისამართი:	
თარიღი	ოპერაციის ტიპი	ერთეული (სული)	თანხა
	დარიცხვა სულადობაზე		
წინა გადახდილი თანხა:			
წინა პერიოდის დავალიანება:			
მიმდინარე თვის დარიცხვა:			
მიმდინარე გადასახადი:			
სულ დავალიანება:			

დასახლებული ტერიტორიის დასუფთავებისათვის მოსაკრებლის
 გადამხდელთა საყურადღებოდ! მოსაკრებლის გადახდა უნდა მოხდეს
 შემდეგ ანგარიშზე: მიმღები ბანკი: _____, კოდი 000000000
 მოსაკრებლის გადახდა შესაძლებელია ნებისმიერი ბანკის საშუალებით.
 ინფორმაციისათვის მიმართეთ ქობულეთის მუნიციპალიტეტის გამგეობას
 შემდეგ მისამართზე: ქ. ქობულეთი, დ. აღმაშენებლის გამზირი N141 ტელ:
 (0426) 267216 გაფრთხილება!

დასახლებული ტერიტორიის დასუფთავების წესების დარღვევა ისჯება
 საქართველოს ადმინისტრაციულ სამართალდარღვევათა კოდექსის 146
 მუხლის შესამაზისად